

«АЛМАТЫ ОБЛЫСЫ БІЛІМ
БАСҚАРМАСЫНЫҢ ІЛЕ АУДАНЫ
БОЙЫНША
БІЛІМ БӨЛІМІ»
МЕМЛЕКЕТТІК МЕКЕМЕСІНІҢ
«№ 21 ОРТА МЕКТЕП»
МЕМЛЕКЕТТІК КОММУНАЛДЫҚ
МЕКЕМЕСІ



ГОСУДАРСТВЕННОЕ
КОММУНАЛЬНОЕ УЧРЕЖДЕНИЕ
«СРЕДНЯЯ ШКОЛА №21»
ГОСУДАРСТВЕННОГО
УЧРЕЖДЕНИЯ
«ОТДЕЛ ОБРАЗОВАНИЯ ПО
ИЛИЙСКОМУ РАЙОНУ УПРАВЛЕНИЯ
ОБРАЗОВАНИЯ АЛМАТИНСКОЙ
ОБЛАСТИ»

БҰЙРЫҚ № 162
«28» тамыз 2025 ж
Көктерек ауылы

ПРИКАЗ № 162
«28» август 2025г.
село Коктерек

Педагогикалық әдеп кеңесін құру туралы

Педагогикалық әдеп қағидалары "Білім туралы" 2007 жылғы 27 шілдедегі Қазақстан Республикасы Заңының және "Педагог мәртебесі туралы" 2019 жылғы 27 желтоқсандағы Қазақстан Республикасы Заңының ережелеріне сәйкес, сондай-ақ Қазақстан Республикасының жалпыға бірдей танылған адамгершілік қағидаттары мен нормалары негізінде **БҰЙЫРАМЫН:**

1. Мектепте педагогикалық әдеп кеңесі құрылсын
- 1.1. Педагогикалық әдеп кеңесі төрағасы болып ДӘІЖО Айгуль Жабел тағайындалсын.
- 1.2. Педагогикалық әдеп кеңес хатшысы директордың тәрбие ісі жөніндегі орынбасары К. Кегенбаева тағайындалсын.
2. Педагогикалық әдеп кеңес мүшелері тағайындалсын:
 - 2.1. Н. Дуйсенова кәсіподақ ұйымының төрағасы
 - 2.2. М. Маканова - бастауыш сынып мұғалімі
 - 2.3. Р. Каримова – қамқоршылық кеңес
3. Осы бұйрықтың орындалуын өзіме қалдырамын.


Мектеп директоры



К.Адижанов

Бекітемін:

Мектеп директоры



Қ.Адижанов

Педагогикалық әдеп кеңесі бойынша жұмыс жоспары
2025-2026 оқу жылы

Р/с	Мазмұны	Мерзімі	Жауапты
1	Педагогикалық әдеп кеңесінің №1 отырысы . Күн тәртібінде 1. Педагогикалық этика және Кеңесті құру туралы ережені қарау және бекіту 2. Мұғалімнің өзінің кәсіби міндеттерін орындау кезіндегі сыртқы келбеті 3. Педагогикалық этика нормалары мен ережелерін сақтау міндеті	Қыркүйек	А.Жабел
2	Педагогикалық әдеп кеңесінің №2 отырысы . Күн тәртібінде 1. Мұғалімнің өзінің кәсіби міндеттерін орындау кезіндегі сыртқы келбеті 2. Педагогикалық этика нормалары мен ережелерін сақтау міндеті	Желтоқсан	Н.Дүйсенова
3	Педагогикалық әдеп кеңесінің №3 отырысы . Күн тәртібінде 1. Жеке фотосуреттер мен бейнелерді көпшілік алдында жариялау кезінде этикалық нормаларды сақтау. 2. Педагогикалық әдеп және педагогикалық тактика 3. Педагогикалық әдеп және сөйлеу мәдениеті	Ақпан	М.Маканова
4	Педагогикалық әдеп кеңесінің №4 отырысы . Күн тәртібінде 1 Педагогтардың құқықтары 2 Педагогтардың көпшілік ортадағы әдеп-этикалық нормалары 3 Мектептегі педагогикалық әдепті қамтамасыз ету және сақтау	Сәуір	К.Кегенбаева
5	Педагогикалық әдеп кеңесінің №5 отырысы . Күн тәртібінде 1 Педагог бейнесі 2 Өзінді өзің тәрбиелеу жолдары 3 Педагогтардың әлеуметтік желіде, қоғамдық орындардағы этикалық талаптары	Маусым	А.Жабел

ДӘІЖО А.Жабел

Педагогикалық әдеп кеңесінің №1 отырысының Хаттамасы

Барлық қатысушы-51

Қатыспағандар-3

Өткен күні 26.09.2025

Күн тәртібінде:

1. Педагогикалық этика және Кеңесті құру туралы ережені қарау және бекіту
2. Мұғалімнің өзінің кәсіби міндеттерін орындау кезіндегі сыртқы келбет
3. Педагогикалық этика нормалары мен ережелерін сақтау міндеті

Күн тәртібіндегі бірінші мәселе бойынша педагогикалық әдеп кеңес төрайымы А.Жабел сөз алды:

Қайырлы күн бүгінгі педагогикалық әдеп кеңесінің отырысына қатысушылар.

Педагогикалық этика және Кеңесті құру туралы ережемен таныстырып өтейін. Педагогикалық әдеп жөніндегі кеңес білім беру ұйымдарында педагогтердің педагогикалық әдепті сақтауы мәселелерін қарайтын алқалы орган болып табылады.

Кеңес өз қызметін «Білім туралы», «Педагог мәртебесі туралы» Қазақстан Республикасының Заңдарына, осы Қағидаларға, өзге де нормативтік құқықтық актілерге сәйкес жүзеге асырады және объективтілік пен әділдік, әдептілік, қоғамдық пікір мен жариялылықты есепке алу қағидаттарын басшылыққа алады.

Кеңестің негізгі міндеттері: білім беру ұйымдарында педагогикалық әдепті сақтауды қамтамасыз ету; педагогикалық әдепті бұзуға ықпал еткен себептер мен жағдайларды талдау; педагогтердің тәртіптік жауапкершілігі туралы мәселені дұрыс қарау үшін қажетті және жеткілікті мән-жайларды жан-жақты, толық және объективті зерттеу болып табылады. Педагогикалық әдеп жөніндегі кеңестің ұсынымдарын орындау бойынша тиісті шаралар қабылдамаған лауазымды тұлғалардың жауапкершілігін қарау туралы ұсыныстармен құзыретті мемлекеттік органдарға немесе лауазымды тұлғаларға, білім беру ұйымының құрылтайшыларына жүгінуге құқылы.

Кеңес отырысы: егер оған Кеңес мүшелерінің жалпы санының кемінде үштен екісі қатысса, заңды деп саналады, қажеттілігіне қарай, бірақ тоқсанына кемінде бір рет өткізіледі. Кеңес мүшелері оның отырыстарына ауыстыру құқығынсыз қатысады.

Сонымен қатар кеңестің міндетіне педагогтардың тәртіптік істерін қарау кіреді. Тәртіптік істерді қарау қортындысы бойынша Кеңес келесі шешімдердің шығара алады: білім беру ұйымының басшысына педагогке тиісті тәртіптік жаза қолдануды немесе қолданбауды ұсыну; тәртіптік істі тоқтату.

Күн тәртібіндегі екінші мәселе бойынша да А.Жабел жалғастырды.

Педагог өзінің кәсіби міндеттерін орындау кезіндегі сыртқы келбетіне баса назар аудару керек. Әр балаға жол сілтеп, оның бойына жақсы қасиеттер сіңіретін бірден-бір жан болса, ол – ұстаз. «Шәкірттің жақсы болмағы – ұстазынан» деп дана халқымыз айтқандай, ұстаз балаларды білім нәрімен сусындатып, қолынан келгенін үйретіп, бағыт-бағдар беріп қана қоймай, сыртқы келбетімен, киім киісімен, өзін ұстау әдебімен үлгі бола білуі тиіс. Себебі, шәкірттер мұғалімнің біліміне ғана емес, жоғарыда аталған қасиеттеріне де ерекше көңіл бөліп, тәлім алады. Ұстаз киіміндегі құптауға лайық түстер ақ және қара түс болып есептеледі. Сонымен қатар ақ сары, қошқыл көк, қоңыр түстерді де қолдануға болады. Өте ашық түстер аталған салада ерсі көрінеді. Мұғалімнің шаш үлгісі өзіне жарасымды болғаны дұрыс. Психологтардың пайымдауынша, өз келбетінің артықшылығын толықтырып,

кемшілігін жасыра білетін адамдарды айналасындағылар жоғары жетістікке жеткен, өзіне сенімді тұлға ретінде қабылдайды.

Педагог мамандығына сай талғаммен киініп, ұқыпты келбетімен үлгі бола отырып, ішкі жан-дүниесінің көркемдігімен, шәкірт жанын ұғына алар кеңпейіл мінезімен көрінуі керек.

Адамдар үйлесімділікке баса назар аударатынын есте сақтаңыз. Мәселен, қалай болса солай жасалған шаш үлгісі талғамға сай жейденіздің сәнін кетіреді.

Осы нәрселерді шебер үйлестіре білген білікті ұстаз шәкірттерді білім нәрімен сусындатып қана қоймай, өскелең ұрпақтың өзіне қарап дұрыс бой түзеуіне, тұлға болып қалыптасуына септігін тигізеді. Жас мамандарға сынып бөлмесіне басқа адам кіріп келгенде олардың орнынан тұрып сәлемдесуге кеңес берді. Мектеп ішінде әрқашан сәлемдесіп жылы шырай танытуға міндетті деп сөзін аяқтады.

Күн тәртібіндегі үшінші мәселе бойынша кеңес мүшесі М.Маканова сөз алды.

Ұстаз ата-аналармен, бүлдіршіндермен және әріптестерімен әңгімелесу кезінде педагогикалық этика нормалары мен ережелерін сақтау міндеті. Жауқазын Қуанғалиқызы чаттардағы қарым-қатынастың қарапайым нормаларына тоқталып, мессенджерлер жіберу туралы бірқатар мысалдар келтірді. Жеке сұрақтарыңызбен жалпы алқалық чатқа араластырмауды ескертті. Сөйлеу кезінде этикалық нормаларды ұстауға кеңес берді.

Ұстаз этикасы – педагог мен бала, ата-ана мен педагог арасындағы қарым-қатынас.

Педагогикалық этика – ұжым ішінде, мұғалімдер арасында басталып, өзінің заңды жалғасын сыныптарда табуы тиіс. Моральдық тәрбие – жан-жақты және үйлесімді дамыған адамды қалыптастырудың пәрменді құралы. Адамгершілікке тәрбиелеу ісінің тек өзіне ғана тән ерекшеліктері мен заңдылықтары болғандықтан, оның ғылыми негізделген жүйесі жасалуға тиіс. Бұл маңызды да құрметті міндет педагогика және этика ғылыми өкілдерінің ынтымағы нәтижесінде ғана жүзеге асуы мүмкін. Кәсіптік этиканың ережелері мен принциптері бірнеше кәсіптерді қамтуы мүмкін. Мысалы, педагог этикасы мектептерді, орта мектепте жұмыс істейтін адамдардың қарым-қатынастары ұқсастығына байланысты оларды реттейтін жалпы нормаларды қарастырады.

Қорытынды сөз. Кеңес төрайымы: А.Жабел:

Құрметті кеңес мүшелері және кеңеске қатысушылар бүгінгі отырыста педагогикалық әдеп кеңесінің ережесі қаралды, ұстаздардың педагогикалық әдебі туралы да сөз қозғалды. Ұстаз тек педагог емес, ол жас ұрпаққа үлгі болатын тұлға екені айтылды. Педагог өз ісіне адал қарауға міндетті. Сондықтан ұстаздарды өз әрекеттері үшін жауапкершілікті арттыруға шақырамын.

Кеңес шешімі:

1. Педагогикалық ұжым мүшелерімен педагогикалық әдеп кеңесінің бекітілген ережесіне сай жұмыс жүргізілсін.

2. Әр педагогтың өзінің кәсіби міндеттерін орындау кезінде ұстаз әдебін сақтасын, сыртқы келбеті мен назарға алынсын.

«Жас мамандар мектебі» мүшелерімен педагогикалық этика нормалары мен ережелерін сақтау туралы дөңгелек үстелдер өткізілсін.

Кеңес төрайымы:

Хатшы:



А.Жабел
К.Кегенбаева